

四明叢書

張宗祥

于冬夏而身不止毋躁且欲寧焉于聲色不但止之而
且去之耆欲不但節之而且禁之外養其形內養其性
其一歸于靜者更重于夏日至之時也月令一篇聖人
所以順陰陽之序相天地之宜上爲國家計下爲民生
計無遺憾矣未見修身養心之要至此然後知聖人齊
戒之誠入于至誠而無閒修身養心之要誠不苟也

月令自入秋來凡所動作施爲無非示收藏之義至冬
又從而閉藏矣今于仲冬之末反覆之總括之以一陽
旣生物皆嚮榮氣不可少泄正易所謂至日閉關商旅

不行惟持養之深則其銳無挫保護之堅則其鋒不折

助天地之閉藏乃所以助天地之發達也

以上仲冬之月

東漢志季冬立土牛六頭于國都郡縣城外丑地以送大寒又于立春之日立青旛施土牛耕人于門外以示兆民後世唯存立春之制而無季冬之制矣

季春大合樂固有吹矣樂以導和此大合吹而罷所以畢一歲之事也

季夏己命四監收秩芻以養犧牲至此又命收秩薪柴

以供燔燎

以上季冬之月

附錄

先生序黃勉齋續儀禮經傳通解曰處分符星渚乃文公遺愛之地高山仰止惓惓予懷茲又得全其所欲述之書豈非幸歟第閑習禮度不如式瞻儀型諷味遺言不如親承音旨誠有如古人之論撫卷爲之三歎也黃東發繳申慈湖壽張行實狀曰慈湖爲時儒宗壽張質行表表皆先帝朝名法從皆足垂示將來法合立傳袁清容曰壽張先生精忠讜論爲一代師表其居家御飭子弟遺言懿範故家往往猶能傳誦稱道

梓材謹案四庫全書本永樂大典著錄先生月令解提要云十二月各自爲卷奏稱每一月改則令以此一月進于御前可以裁成天地之道輔相天地之宜雖未免過膠古義不盡可見諸施行然辭義曉暢于順時出政之際皆三致意焉其用心有足取者

雲濠謹案先生官南康續刊勉齋所修喪禮又屬楊信齋重修祭禮併刊之共二十九卷觀其序言則其私淑朱子深矣

朝請周戒軒先生口附子元龜

周口平陽人累贈朝請大夫是爲戒軒先生先生嗜古及交慈湖鶴山其學根義理達事物子元龜字錫疇擢嘉熙進士第教授廬州官至台守常簿階朝請大夫自

號蒼巖雜著八十卷

林霽山集

壽張學侶

寺丞臧先生格

臧格字正子鄞人慶元五年進士與慈谿張慮爲友歷官太常丞周濂溪二程先生諡議皆出其手

寧波府志

附錄

戴剡源跋濂溪二程諡議曰考功爲諡議時去黨禁之開歲月纔幾許而剖析精微蒐揚幽眇繪畫鋪張委曲各當非知之眞其孰能爲此之言哉

慈湖同調

判院王先生休

王休慈谿人攻戴氏禮慶元二年進士擢湖州教授改
訓徽州遷祕閣校書判樞密院事直躬立朝無所附麗
嘉定末與柄臣不合遂謝事歸一日上忽思之遣使驛
召時先生已卒乃命定海鎮營葬先生以文學著稱一
時士類宗之若杜洲童居易著作劉厚南右曹郎程士
龍皆其門人晚歲文思益進金石文多出其手

姓譜

侍郎梁先生季琰

梁季琚字飾父麗水人歷官尙書戶吏二部侍郎兼敕令所詳定官所至一室蕭然惟圖史是娛楊慈湖爲世名儒不妄交友聞先生曰吾未見約于自奉誠于求去者遂款門求見其爲人所敬慕如此

姓譜

舒先生揚

舒揚字德彰樂平人其兄與慈湖同年慈湖爲樂平先生所居伊邇節朔相過其卒也權知興國軍許錫狀其行曰孝友曰睦婣曰任恤曰文雅與鄉貢未仕而道無窮通無精粗無本末一以貫之云

慈湖遺書

文肅徐先生應龍

徐應龍字允淑浦城人淳熙二年第進士調衡州法曹
湖南檢法官改秩知瑞州高安縣呂大愚祖儉言事忤
韓侂胄謫死高安先生爲之經紀其喪且爲文諫之有
勸之避禍者則曰呂君吾所敬雖緣此獲譴亦所願也
朱子貽之書曰高安之沒義風凜然累進戶部侍郎遷
國子司業兼權工部侍郎遷吏部侍郎進刑部尙書兼
侍讀在講筵多指陳時政宰相史彌遠惡之免侍讀未
幾兼太子詹事徙吏部尙書以煥章閣學士提舉嵩山

崇福宮卒贈開府儀同三司謚文肅子榮叟清叟

宋史

梓材謹案方秋崖代與袁太監書云某以世祿得官一俗吏耳然逮事先尙書見其訓誨諸父得聞慈湖絜齋兩先生之學卽其書而讀之者有年矣蓋代先生之孫朝奉書也先生以楊袁之學訓其子則先生固與楊袁爲同調

王先生居安

王居安字資深一云資道號方巖黃巖人淳熙十四年進士擢右司諫極論韓侂冑竊柄誤國之罪請肆市朝以爲不忠者戒時呂大愚以直言遠竄上疏鳴其冤以伸忠鯁之氣會趙彥逾與樓鑰林大中並召言邪正并

用非所以視趨向于天下疏已具有微聞者除目夜下
遷起居郎崇政殿說書既供職遂極論之且言臣爲陛
下耳目諫紙未乾乃以忤權要徙他職不得其言則去
臣不復留矣帝爲改容中丞雷孝友論其越職詔奪一
官罷太學諸生舉旛乞留四明楊慈湖邂逅山陰道中
謂此舉吾道增重江陵項平庵致書曰左史人中龍也
踰年復官知隆興府盜起郴黑風洞江右寇亦起先生
受命往討次第討平刻石記功徙鎮襄陽已而閒居十
有一年嘉定中與魏鶴山同召遷工部侍郎中朝皆動

色相賀終龍圖閣直學士卒贈少保有方巖集行于世

台州府志

附錄

吳荆溪序方巖文集曰自古養才如養木木雖堅勁耐
歲寒要亦以培植而成以摧拉而毀乾淳間培植而成
者眾嘉定後摧拉而毀者多如公之魄磊卓特當其拜
司諫帥隆興時儻不以惡讒去得直遂而迅上所樹立
豈在乾淳人物下哉此可爲浩歎者也

教授王先生宗傳

王宗傳字景孟寧德人學問該博尤精于易以上舍登

進士第歷廣東韶州教授著有易傳行世

福建通志

梓材謹案先生淳熙八年進士號童溪林焞

序童溪易傳云世謂天下王景孟則其人也

雲濠謹案四庫書目著錄童溪易傳三十卷提要

云宗傳之說大概祧梁孟而宗王弼故其書惟憑

心悟力斥象數之弊至譬于誤註本草之殺人林

焞序述宗傳之論有性本無說聖人本無言之語

不免涉于異學與楊簡慈湖易傳宗旨相同蓋弼

易祖尚玄虛以闡發義理漢學至是而始變宋儒

掃除古法實從是萌芽然胡程祖其義理而歸諸

人事故似淺近而醇實宗傳及簡祖其玄虛而索

諸性天故似高深而幻窅考沈作喆作寓簡第一

卷多談易理大抵以佛氏爲宗作喆爲紹興五年

進士其作寓簡在淳熙元年正與宗傳同時然則

以禪言易起于南宋之初特作喆無成書宗傳及

簡則各有成編
顯關別徑耳

方巖學侶

王先生粹然

父公入

王粹然黃巖人與王方巖同學父公入字治表淡泊無
爲無所嗜好惟嗜書積數千卷由是得盡讀諸經傳子
史百家言下至軒岐醫學之書靡不通曉

台州府志

童溪講友

林先生焞

林焞寧德人與童溪生同方學同學同及辛丑第其序

童溪易傳云易盡性書也而何至于多言我知之矣六
丁勅易在天三爻吞易在人天而人之易其顯乎

童溪
易傳

序

附傳

統制吳先生從龍

吳從龍字子雲奉化人理宗時爲建康府統制李全犯
揚州主帥遣先生爲先鋒往援挺身赴敵馬蹶被執使
至泰州諭降佯許之及至城下大呼曰吾右軍統制吳
從龍也被執至此揚州無恙泰州宜堅守賊無能爲也

賊大怒寸轡之罵不絕口以至于盡朝廷嘉之詔立廟
揚泰二州賜額褒忠官其弟從虎爲武經大夫

寧波府志

附錄

黃東發曰方逆全猖獗時維揚閒守未知爲計但紿得
泰州城一開卽賊之窟穴多而揚州孤事未可知先生
從容就義以一死爲國忠謀視解揚事殆過之非尋常
死節比不爲之立傳何以勵臣子之節

梓材謹案黃氏日鈔文集咸淳四年任史館檢閱
繳申慈湖壽張行實而併及之又謂某生晚不及
登三君子之門而聞風興
起公議所在有不容遏云

鄒氏先緒

鄒先生雯

鄒雯字德顯號南野居士樂平人慈湖高第夢遇之父也孝于親友于兄弟與人無尊賤一用吾情嘗有言曰正吾此心萬里畢見順理而出萬事自行不假調停了無滯礙日進而久愈熟以安云

慈湖遺書

慈湖家學

楊先生叔正

楊叔正慈湖之猶子也慈湖作廣居賦廣居之室後轉